



# ҚУЁШ ЭНЕРГИЯСИ — КЕЛАЖАК ЭНЕРГИЯСИ

Пойтахтимиздаги Симпозиумлар саройида  
22 ноябрь куни Осиё қуёш энергияси  
форумининг олтинчи йиғилиши бошланди



Мазкур тадбирнинг ўтказилиши Осиё тараққиёт банки Бошқарувчилар кенгашининг 2010 йил май ойида Тошкентда ўтган йиллик мажлисида илгари сурилган Осиё минтақасида қуёш энергетикасини ривожлантириш бўйича Осиё тараққиёт банки ташаббуси доирасида эълон қилинган эди.

Осиё қуёш энергияси форумининг мазкур йиғилишида Осиё, Европа, Шимолий ва Жанубий Америка мамлакатларидан қарийб 300 нафар халқаро молия институтлари, компания ва корпорациялар, илмий-тадқиқот марказлари вакиллари, олимлар, соҳа мутахассислари ва экспертлар иштирок этмоқда.

Ўзбекистон Республикаси Президенти Ислам Каримов Осиё қуёш энергияси форумининг олтинчи йиғилишида нутқ сўзлади.

Мамлакатимизда мустақилликнинг дастлабки кунларидан амалга оширилган кенг қўламли ишловлар барқарор ривожланаётган бозор иқтисодиётига асосланган демократик ҳуқуқий давлат барпо этишга қаратилган. Давлатимиз раҳбари томонидан ишлаб чиқилган ва бутун дунёда кенг эътироф этилган тараққиётнинг «ўзбек модели» бу

борадаги ишларда мустақам асос бўлиб хизмат қилмоқда. Ушбу моделнинг асосий мақсади кучли миллий иқтисодиётни ташкил этиш, янги юқори технологияли корхона ва ишлаб чиқаришларни жадал ривожлантириш ҳисобидан унинг рақобатбардорлигини ошириш, тайёр маҳсулот ишлаб чиқариш учун ресурсларни тежаш имконини берадиган замонавий технология ҳамда услубларни жорий қилишдан иборат. Шу боис ёқилғи-энергетика комплексини ривожлантириш, жумладан, ресурсларни тежайдиган янги технологияларни жорий этиш ҳисобидан тараққиёт этириш мумкин вазифалардан бири сифатида белгиланган. Мамлакатимизнинг тўла энергетика мустақиллигига эришгани ҳам ушбу йўналишдаги ишлар юксак самаралар бераётганидан далолатдир.

Осиё тараққиёт банки пре-

зиденти Такехико Накао ўз нутқида Ўзбекистон Марказий Осиёда қуёш энергиясини ривожлантириш борасида етакчи мамлакат бўлиши учун зарур улкан ер ресурслари, қуёшли кунларга, юқори малакали ва билимли инсон ресурсларига эга эканини таъкидлади. Шу боис қуёш энергетикасини ривожлантириш бўйича лойиҳаларни амалга ошириш икки томонлама ҳамкорликнинг истиқболли йўналишларидан биридир.

Истиқлол йилларида Ўзбекистонда муқобил энергия манбаларидан, айниқса, қуёш энергиясидан фойдаланиш борасида бой тажриба тўпланди. Серқуёш ўлкамизда йилнинг 320 кундан кўпроғида қуёш чараклаб туради. Қуёш энергиясининг йиллик салоҳияти эса нефть эквивалентида 51 миллиард тоннадан ошади. Бу қуёш энергиясидан электр энергиясини ишлаб чиқариш, иссиқ сув ва иситиш тизими билан таъминлаш, қудуддан сув олиш ва уни чучуқлаштириш, мевасабзавотларни қуритиш ҳамда бошқа кўплаб мақсадларда кенг қўламли фойдаланиш имконини беради.

Мажлисда Ўзбекистонда қайта тикланадиган энергия манбаларидан фойдаланиш катта истиқболга эга экани ва бу борада самарали илмий тажриба тўплангани таъкидланди.

Мамлакатимизда қуёш ва биогаз энергиясини ишлаб чиқариш ҳамда ундан фойдаланиш учун зарур кўп тармоқ-



ли илмий-тажриба ва моддий-техник база самарали фаолият кўрсатмоқда. Ўзбекистон Республикаси Фанлар академиясида қуёш энергиясини ярим ўтказадиган фотоўзгартиргичларни ишлаб чиқиш ва уларнинг назарий асосларини яратиш, турли мақсадларга мўлжалланган биоэнергетика манбалари, қурама гелиотехник қурилмалар, мустақил таъминот манбаларини лойиҳалаштириш, юқори ҳароратли гелиотехнологияларни соҳасида илмий мактаблар шакллантирилган.

Президентимизнинг 2010 йил 15 декабрда қабул қилинган «2011-2015 йилларда Ўзбекистон Республикаси са-

надиган энергия манбалари соҳасида илмий-тадқиқот ва тажриба-конструкторлик ишларини фаоллаштиришда мўҳим ҳуқуқий асос бўлиб хизмат қилмоқда. Қарорда саноат тартибдорлиги ишлаб чиқиш ва уларнинг назарий асосларини яратиш, турли мақсадларга мўлжалланган биоэнергетика манбалари, қурама гелиотехник қурилмалар, мустақил таъминот манбаларини лойиҳалаштириш, юқори ҳароратли гелиотехнологияларни соҳасида илмий мактаблар шакллантирилган.

Ўзбекистон Республикасининг «Обод турмуш йили» Давлат дастури, шунингдек, давлатимиз раҳбарининг 2013 йил 1 мартда қабул қилинган «Муқобил энергия манбаларини янада ривожлантириш чора-тадбирлари тўғрисида»ги фармонида энергия тежайдиган тизимларни жорий этиш, муқобил энергия манбаларидан кенг фойдаланишга доир комплекс чора-тад-

бирларни ишлаб чиқиш ҳамда амалга ошириш кўзда тутилган. Ушбу ва бошқа дастурий ҳужжатлар энергия истеъмоли соҳасида юзага келаётган қатор масалаларни ҳал этиш, ноанъанавий энергетика ресурслари, жумладан, қуёш энергиясидан кенг қўламли фойдаланиш учун янги имкониятлар яратиш, қуёш панеллари учун тегишли ускуналар, бутловчи ва эҳтиёт қисмларни саноатлаштирилган ҳолда ишлаб чиқаришга хизмат қилмоқда.

Бугунги кунда мамлакатимизда кўплаб гелиотизимлар ишлаб чиқарувчилар ва етказиб берувчилар фаолият кўрсатмоқда. «Физика-Қуёш» илмий-ишлаб чиқариш бирлашмаси, «Эко-энергия» илмий-тадқиқот маркази, «Mir Solar»

масъулияти чекланган жамияти ва бошқалар шулар жумласидандир. Улар ишлаб чиқараётган маҳсулотлар иқтисодиётнинг турли тармоқларида қўлланилмоқда. Уй-жой коммунал хўжалигида қуёш энергияси элементларини жорий этишга ҳам катта эътибор берилмоқда. Чунинчи, қишлоқ жойларда намунали лойиҳалар асосида барпо этилаётган айрим уйларда қуёш ва шамол энергиясида ишлайдиган гибрид тизимлар ўрнатилмоқда. Яқин келажақда мамлакатимизнинг бориш қийин бўлган туманларида жойлашган умумтаълим ва касб-хунар ўқув муассасаларини ҳам қуёш энергияси элементлари билан таъминлаш режалаштирилмоқда.

(Давоми 4-бетда.)

## ЎзХДП: устувор вазифалар

### Депутатлик гуруҳи ўз позициясини намоён этиши керак

Ўзбекистон ХДП Марказий Кенгаши ҳамда Олий Мажлис Қонунчилик палатасидаги ЎзХДП фракцияси ташаббуси билан Қашқадарё вилоятида семинар ўтказилди.

Тадбир халқ депутатлари вилоят Кенгашининг яқинда бўлиб ўтган навбатдан ташқари сессиясида Президентимиз томонидан кўтарилган ижтимоий-

иқтисодий вазифаларни бажаришда вилоят партия ташкилотлари ҳамда депутатлик гуруҳларининг фаол иштирокини таъминлаш масалаларига бағишланди.

Унда ЎзХДП Марказий Кенгаши масъул ходимлари, Олий Мажлис Қонунчилик палатасидаги фракцияси, халқ депутатлари Қашқадарё вилоят, туман ва шаҳар Кенгашларидаги партия депутатлик гуруҳлари аъзолари, туман, шаҳар партия кенгашлари ҳамда йирик бошланғич ташкилотлар раислари иштирок этди.

2

## Олий Мажлис Қонунчилик палатасида

### Почта алоқаси:

қонун талаблари даражасида хизмат кўрсатилаяптими?..

Бугун аҳолига, корхона-ташкilotларга почта алоқаси хизматлари кўрсатишнинг сифати қандай? Хизматлардан фойдаланувчиларнинг қонуний ҳақ-ҳуқуқлари таъминланаяптими? Умуман, ахборот ва коммуникация технологиялари тобора ривожланиб бораётган ҳозирги шароитда мамлакатимизда почта алоқаси тизимини янада ривожлантириш, халқаро стандартлар даражасида хизмат кўрсатишни ташкил этиш учун нималарга эътибор бермоқ керак? ▼

Яқинда Олий Мажлис Қонунчилик палатаси Ахборот ва коммуникация технологиялари масалалари қўмитасининг кенгайтирилган йиғилишида «Почта алоқаси тўғрисида»ги қонуннинг Жиз-

зах ва Хоразм вилоятларидаги ижроси муҳокама қилинганди ана шу масалаларга эътибор қаратилди.

(Давоми 2-бетда.)

## Ўзбекистон — Туркменистон:

### Яхши қўшничилик

муносабатларининг кўламлари кенгаймоқда

Жорий йил 25-26 ноябрь кунлари Туркменистон Президенти Гурбангули Берdimухамедов расмий ташриф билан Ўзбекистон Республикасида бўлади.

5

«Ўзбекистон овози» газетаси сайтида ўқинг

## 2014 йилда иш ўринлари ташкил этиш

ва аҳоли бандлигини таъминлаш дастури лойиҳаси муҳокама қилинди



Минтақаларни ижтимоий-иқтисодий ривожлантириш, аҳоли турмуш даражасини юксалтириш билан чамбарчас боғлиқ вазифалар халқ депутатлари Кенгашлари зиммасига ҳам улкан масъулият юклайди.




O'ZBEKISTON O'VOZI

— халқ-халқ орада минбари,

Сизнинг минбарингиз!

Ўзбекистон ХДП Марказий Кенгаши ва Тошкент вилоят кенгаши томонидан Ўзбекистон Республикаси Конституцияси қабул қилинганининг 21 йиллигига бағишлаб, «Партия дастурий ҳолатларини тарғиб этиш ва ижросини таъминлашнинг ҳуқуқий асослари ҳамда тарғиботчилар фаолиятини такомиллаштириш масалалари» мавзусида амалий семинар ўтказилди.

Унинг тафсилотлари билан газетамизнинг келгуси сонларидан бирида танишасиз.



# Депутатлик гуруҳи ўз позициясини намоён этиши керак

ЎЗХДП: қустовор вазифалар

**Шарбат АБДУЛЛАЕВА,**  
**Ўзбекистон ХДП Марказий**  
**Кенгаши раиси ўринбосари:**  
— Халқ депутатлари Қашқадарё вилоят Кенгашининг навбатдан ташқари сессиясида вилоятни ижтимоий-иқтисодий ривожлантириш билан бевосита боғлиқ бўлган қатор масалалар илгари сурилди. Минтақаларни ижтимоий-иқтисодий ривожлантириш, аҳоли турмуш даражасини юксалтириш билан чамбарчас боғлиқ бу вазифалар халқ депутатлари Кенгаши зиммасига ҳам улкан масъулият юклайди. Худудий ислохотларни чуқурлаштириш, уларнинг ижтимоий самарадорлигини оширишда халқ депутатлари қабул қилаётган қарорларнинг аҳамияти катта. Маҳаллий вакиллик ҳокимиятини ҳаракатга келтирувчи асосий куч эса, шубҳасиз, сиёсий партияларнинг депутатлик гуруҳларидир. Шундай экан сессияда белгиланган вазифаларни амалга ошириш, ечимини қутаётган масалалар юзасидан муқобил тақлифлар ишлаб чиқиш, маълум бир ижтимоий вазифани зиммага олиб, уни охиригача ҳал этиш учун курашиш депутатлик гуруҳларимиз зиммасидаги вазифадир.

Демак, бугунги кунда вилоят партия ташкилоти ҳамда халқ депутатлари маҳаллий Кенгашларидаги депутатлик гуруҳларимизнинг асосий диққат-эътибори халқ депутатлари Қашқадарё вилоят Кенгаши сессиясида билдирилган фикрлар, партиямиз Сайловолди дастури, 2011-2014 йилларга мўлжалланган Ҳаракат дастуридан келиб чиқиб, вилоятни ижтимоий-иқтисодий ривожлантиришнинг аниқ вазифаларини бажаришга қаратилиш зарур.

**Саттор РАХМАТОВ,**  
**Олий Мажлис Қонунчилик палатаси депутати, ЎЗХДП фракцияси аъзоси:**  
— Янги иш ўринлари ташкил этиш масаласи ҳар доим долзарб масала ҳисобланади. Бу борада одамларнинг ўз ишини йўлга қўйиш борасидаги ташаббусларини қўллаб-қувватлаш, мустақил

бизнес, оилавий тадбиркорлигини ташкил этишга ёрдам бериш муҳим аҳамиятга эга. Бироқ, сессияда айтилганидек, вилоятнинг бир қатор туманларида тадбиркорлик субъектларини рўйхатга олиш инспекциялари фаолиятида тадбиркорларнинг ҳуқуқ ва манфаатларини бузиш ҳолатлари қайд этилган. Президентимиз «Ўз хусусий ишимни очиб, нафақат ўзимни, оиламни боқаман, эл-юртга ҳам наф етказаман, деб ҳаракат қилаётган одамларнинг йўлига, тадбиркорлик йўлига гав бўлиш — бу давлат сиёсати, Президентнинг сиёсати, Президентнинг баҳоланиши керак. Буни барча амалдор шахслар кулолига кўрсиндек қўйиб олсин», деб қатъий таъкидлади.

Чуқурроқ эътибор бериб қарайдиган бўлсак, бу ўринда жуда муҳим ҳаётий масала кўтарилди. Таҳлиллар кўрсатишича, кейинги йилларда бизнинг партиямиз электро-рати орасида ҳам ўз ишини ташкил этиш ҳаракатига тушган кишилар тобора кўпайиб бораёпти. Уларга амалий ёрдам бериш, қонунда белгиланган имтиёзлардан кенг фойдаланишларига кўмаклашиш бизнинг энг муҳим вазифаларимиздан бирига айланиши зарур, деб ҳисобланади.

**Олим РАВШАНОВ,**  
**Ўзбекистон ХДП Қашқадарё вилоят кенгаши раиси, халқ депутатлари вилоят Кенгашидаги депутатлик гуруҳи раҳбари:**

— Сессияда вилоятда саноат тармоқларини барқарор ривожлантиришга етарли эътибор берилмаётгани, режалаштирилган лойиҳалар ўз вақтида амалга оширилмаётгани, мавжуд салоҳият ва қувватлардан самарали фойдаланилмаётгани танқид қилинди. Маҳаллий хомашёни қайта ишлаш негизда юқори қийматга эга бўлган рақобатдош маҳсулотлар ишлаб чиқариш бўйича вилоят мамлакатимиз эришган марралардан орқада қолаётгани таъкидланди.

Вилоятни ижтимоий-иқтисодий ривожлантириш, янги, юқори ҳақ тўланадиган ва барқарор иш ўринлари ташкил этишда давлат, ҳукумат даражасидаги ҳамда маҳаллий дастурларнинг аҳамияти жуда катта. Бугунги кунда уларнинг ихросини таъминлашда депутатлик гуруҳларимизнинг иштироки масаласига янги ҳаётимизда зарур, назаримда. Аввало, иш ўринларини ташкил этиш, саноати, қишлоқ хўжалиги ва бошқа соҳаларни ривожлантириш, маҳаллийлаштириш дастурлари қандай ижро этилаётганини доимий равишда мониторинг қилиб боришимиз лозим.

Уларнинг бажарилиши юзасидан қарерда муаммо пайдо бўлаётган бўлса, сабабларини тезкорлик билан аниқлаб, ечимни бўйича муқобил тақлифларимизни сессиялар муҳокамасига олиб кириш талаб этилади. Мамлакатни тараққий эттириш, одамлар ҳаёти — ўз турмушимизни янада яхшилашга қаратилган озиқ-овқат ҳамда ноозик-овқат маҳсулотлар билан етарли таъминлаш бўйича вазифалар белгиланган. Аммо, очигини тан олиш керак, бу борадаги ташаббусларимиз талаб даражасида эмас.

Халқ депутатлари вилоят Кенгашининг навбатдан ташқари сессиясида кўрсатиб ўтилган хато ва камчиликларни бартараф этиш вилоят аҳолисининг узоқ муддатли ижтимоий манфаатларига, ЎЗХДП электорати ҳаёти даражасини юксалтиришга хизмат қилади. Шуларни ҳисобга олиб, вилоят партия ташкилоти ҳамда депутатлик гуруҳларининг биргаликдаги чора-тадбирлар дастури қабул қилдик. Унинг рўёбга чиқарилиши вилоятни ижтимоий-иқтисодий ривожлантиришда бизнинг иштирокимиз кучайишига олиб келади.

**Рашид МУРТАЗАЕВ,**  
**ЎЗХДП Қарши шаҳар кенгаши раиси:**

— Сессияда Президентимиз Қарши шаҳрини янада гўзал, замонавий, барчанинг ҳавасини тортадиган марказга айлантириш учун унинг 2030 йилгача мўлжалланган бош режасини амалга ошириш бўйича мамлакатимиз ҳукуматининг қарори ва махсус дастури қабул қилинганини таъкидлади. Дастурда Қарши шаҳрининг худудини икки баробардан кўпроқ кенгайтириш, йўл-транспорт инфратузилмаси, ичимлик суви таъминоти, каналланиш тизимининг техник ҳолатини яхшилаш бўйича аниқ вазифалар белгиланган. Қарши магистраль канали, Қашқадарё ва бошқа каналлар худудига янги инфратузилма объектлари, оилавий дам олиш масканлари барпо этиш, шаҳарда 9 та янги майдон, 8 та хиёбон қуриш, мавжудларнинг реконструкция қилиш, эски, яроқсиз ҳолга келиб қолган бир қаватли айрим бинолар ўрнида 2-3 қаватли замонавий уй-жойлар барпо этиш чора-тадбирлари белгилан-

ган. Мазкур дастурни амалга ошириш учун жами 1 триллион сўмдан зиёд маблағ йўналтириш кўзда тутилаётгани ҳам бу ишларнинг қўламли нақадар кенглигини кўрсатади.

Қаршини нафақат юртимиз, балки минтақадаги энг гўзал шаҳарга айлантириш борасидаги бу тарихий ишлар Юртбошимизнинг Қашқадарёга чексиз меҳри, халқимизга улкан ғамхўрлиги намунаси, деб биламан. Мамлакатимиз раҳбари шунчалик қайғураётган экан, нима учун биз жон куйдирмаслигимиз керак? Президентимиз таъкидлаганидек, илгари ҳам бирор бир ишни бизга четдан келиб ҳеч ким қилиб берган эмас, бундан кейин ҳам бирор қилиб бермайди. Шаҳар ва қишлоқларимиз обод бўлиши, изчил ривожланиб боришидан, аввало, ўзимиз манфаатдормиз. Шундай экан, ислохотларни самарали амалга ошириш, ҳаётийимиз бунданда гўзал қилиш учун астойдил курашишга ҳар биримиз бурчлигимиз.

Дастурда белгиланган вазифалар ўз-ўзидан амалга ошириб қолмайди. Бу жараёнда қанча-қанча масалаларни ўз вақтида ҳал этиш, эзгу ишларга тўсиқ бўлаётган муаммоларни бартараф қилишга тўғри келади. Буларнинг барчаси Қарши шаҳар партия ташкилоти, халқ депутатлари шаҳар Кенгашидаги депутатлик гуруҳи зиммасига ҳам улкан масъулият юклайди.

Семинар якунида халқ депутатлари Қарши шаҳар Кенгашидаги партия депутатлик гуруҳи томонидан муқобил ва қайта тикланадиган қувват манбаларидан фойдаланиш ҳисобига аҳолини иссиқ сув ва марказлашган иситиш тармоқлари билан таъминлаш, Касби ва Шахрисабз туманларида хомашёни қайта ишлаш қорхоналарини ривожлантириш ҳисобига аҳоли бандлиги даражасини ошириш, Қарши шаҳри, Китоб, Яккабоғ ва Ғузор туманларида импорт ўрнини босувчи маҳсулотлар ишлаб чиқариш бўйича худудий дастурларни бажариш доирасида истеъмол бозорини маҳаллий товарлар билан таъминлаш, Деҳқонobod ва Косон туманларида ёш оилаларни уй-жой билан таъминлаш, шунингдек, кам таъминланган оилаларга имтиёзлар олишда кўмак бериш, Иштиш туманида партия электротини, шу жумладан, коллеж битирувчиларини янги иш ўринлари билан таъминлаш масалаларини чуқур ўрганиш ҳамда маҳаллий Кенгашлар сессиялари кун тартибига киритиш бўйича вазифалар белгилаб олинди.

Бекзод ШУКУРОВ



## Хотин-қизлар бандлиги таъминлаши

учун ҳамма имкониятлардан самарали  
фойдаланиш талаб этилади

●●● Уй меҳнатини ривожлантириш, шу орқали хотин-қизларнинг ҳам иқтисодий, ҳам ижтимоий фаоллигини ошириш, оилаларнинг даромад манбаларини кенгайтириш мақсадида Хоразм вилоятида ЎЗХДП ташкилотлари ва депутатлик гуруҳлари қатор амалий ташаббусларни илгари сурмоқда.

Вилоят, туман ва шаҳар партия кенгашлари халқ депутатлари маҳаллий Кенгашларидаги депутатлик гуруҳлари билан биргаликда жойларда ишлаб чиқаришни кенгайтириш, хусусан, қасаначилик ва хунармандчиликни ривожлантириш ҳисобига яратилган иш ўринларининг барқарорлигини ҳамда бу борадаги қўшимча имкониятларни ўрганиш чизиқларида. Ўтган икки йил давомида халқ депутатлари Янги-Хонка, Хонка, Янгибозор ва Ҳазорасп туман Кенгашлари сессияларида мазкур масалалар муҳокама этилиб, тегишли қарорлар қабул қилинди.

Хусусан, ЎЗХДП депутатлик гуруҳлари ташаббуси билан Янги-Хонка туман Кенгашининг 15-сессиясида туманда хунармандчиликни ривожлантириш ҳисобига аҳоли бандлигини таъминлаш, турмуш фаровонлигини ошириш бўйича олиб борилаётган ишлар тўғрисидаги, Ҳазорасп туман Кенгашининг 16-сессиясида Оилавий тадбиркорликни ҳамда миллий хунармандчилик фаолиятини ривожлантириш ва соҳада янги иш ўринлари ташкил қилиш тўғрисидаги, Хонка туман Кенгашининг 2013 йил 10 июндаги сессиясида туманда хизмат кўрсатиш ва сервис соҳасини ривожлантириш ҳисобига аҳоли бандлигини таъминлаш бўйича олиб борилаётган ишлар тўғрисидаги масалалар атрофича муҳокама этилди.

Масалани ўрганиш, депутатлик гуруҳи ёки сессия йиғилишида кўриб чиқиш, тегишли қарор асосида чоралар белгиланиши билан электротар манфаати ҳимояси йўлида амалий натижага эришилди, деб бўлмайди, албатта. Олиб бориладиган ишлар, қабул қилинган қарор бевосита худудлар ривожига, одамлар ҳаётига ижобий таъсир этиши керак. Шунга қадар қатъийлик ва талабчанликни суъайтирмаслик талаб этилади. Аёллар бандлигини таъминлаш, қасаначиликни ривожлантиришга қаратилган ишларимизда бу масалага жиддий эътибор қаратиляпти.

Бу ҳақда гап кетганда, «Фаол аёллар» қаноти вилоят бўлими зиммасидаги вазифаларга алоҳида тўхталмоқ жоиз. Қанот ташаббуси билан «Мустаҳкам оила — ҳақиқат таянчи» лойиҳаси доирасида ҳамкор ташкилотлар билан қатор меҳнат ярмаркалари ўтказилди. Туманлардаги қасаначилик меҳнатини ташкил этишга ахтиёжи ва имконияти бор қорхона-ташкilotлар ўрганиб чиқилди. Шунингдек, уй меҳнати билан шуғулланиш истагини билдирган 70 нафардан ортиқ хотин-қиз ишга жойлаштириш бўйича алоқасини яхшилаш билан боғлиқ масалаларни атрофича муҳокама қилиш, аниқ тақлифлар ишлаб чиқиш сифатида таъсир этиши ҳам айтиб ўтилди.

Қўриб чиқилган масала юзасидан Қўмитанинг тегишли қарори қабул қилинди. Қўриб чиқилган масала юзасидан Қўмитанинг тегишли қарори қабул қилинди. Қўриб чиқилган масала юзасидан Қўмитанинг тегишли қарори қабул қилинди.

Тўлқин ТЎРАХОНОВ,  
«Ўзбекистон овози»  
мухбири.

## Почта алоқаси:

қонун талаблари даражасида хизмат  
кўрсатилаяптими?..

Олий Мажлис Қонунчилик палатасида

Йиғилишда кун тартибидagi масала юзасидан Жиззах вилояти ҳокими ўринбосари Бахтиёр Соатов, Хоразм вилояти ҳокими ўринбосари Ражаббой Рўзметов, Алоқа, ахборотлаштириш ва телекоммуникация технологиялари давлат қўмитаси раиси ўринбосари Махсум Махмудов ҳамда «Ўзбекистон почтаси» очик акциядорлик жамияти бош директори ўринбосари Хатир Тожибоевнинг ахборотлари эшитилди.

«Почта алоқаси тўғрисида»ги қонун ижросини таъминлаш бўйича муайян ишлар қилинганлиги таъкидланди. Хусусан, ҳар икки вилоятда ҳам почта алоқаси шохобчаларини замонавийлаштириш, ахборот-коммуникация технологиялари негизда хизматларнинг янги турларини жорий этиш ва ривожлантириш юзасидан тегишли дастурлар қабул қилиниб, амалга оширилляпти.

Почта алоқаси тармоқлари ва хизматларини ривожлантириш масалалари бўйича оператор ҳамда провайдерлар фаолиятини мувофиқлаштириш, почта, ахборот хавфсизлигини таъмин-

лаш, кўрсатилаётган хизматлар сифати устидан давлат назоратини амалга ошириш, фойдаланувчилар ҳуқуқи ва қонуний манфаатларини ҳимоялаш бўйича эришилган натижалар эътироф этилди.

Таъкидлаганидек, почта соҳасининг моддий-техника таъминоти қонун талаблари асосида ривожланмоқда, ахборотлаштириш ва автоматлаштириш даражаси ошмоқда. Жумладан, почта алоқаси объектларида электрон пул жўнатмалари, коммунал хизматлар учун тўловларни қабул қилиш, почта жўнатмаларини қайд этиш, бошқа қатор интерактив хизматларни кўрсатиш назоратини автоматлаштириш тизими равишда жорий қилинаёпти.

Вилоятларнинг почта алоқаси қорхоналарида электрон обунани амалга оширишга мўлжалланган даврий наشرлар тарқатилишини ҳисобга олиш ва назорат этиш автоматлаштирилган тизими ишлаб чиқилмоқда. Шунингдек, почта алоқаси қорхоналарида почта ва курьерлик жўнатмалари хавфсизлигини таъминлаш бўйича видеокузатиш, электрон назорат қилиш имкониятлари кенгайтириляпти.

— Назорат-таҳлил тартибида ўрганиш давомида фуқароларга пенсия ва нафақаларни ўз вақтида етказиб бериш масаласига алоҳида эътибор берилди, — дейди Олий Мажлис Қонунчилик палатаси депутати Дилбар Холиқова. — Жиззах ва Хоразм вилоятларидаги почта алоқаси объектлари томонидан пенсия ва нафақалар тўловини ҳисобга олишнинг автоматлаштирилган тизимини ишлаб чиқиш ва жорий этиш бўйича муайян ишлар олиб бориладиган. Шунингдек, уни Ўзбекистон Республикаси Молия вазирлиги ҳузуридаги бюджетдан ташқари Пенсия жамғаримининг «Пенсия» автоматлаштирилган тизимига улаш масаласи ҳал қилинган. Қонун ижроси бўйича олиб бориладиган ўрганиш натижаларига асосланиб, почта алоқаси хизматлари кўрсатувчи субъектлар фаолиятини яхшилаш зарурати юзага келганини, соҳада айрим жиддий хато ва камчиликлар кузатилаётганини айтиб ўтиш жоиз.

Масалан, почта алоқаси мутахассисларини тайёрлаш ва малакасини ошириш, почта алоқаси опера-

тор ва провайдерлари томонидан почта, курьерлик хизматларининг кўрсатиш, жўнатмаларини қабул қилиш ва етказишни ҳисобга олиш қонун талаблари даражасида эмас.

Қўмитадаги ЎЗХДП фракцияси аъзоларининг фикрича, давлат пенсиялари ва нафақаларини етказиб беришга доир почта хизматлари кўрсатиш сифати ва самарадорлигини ошириш, бунда қонуний меъёrlарга қатъий риоя қилиниши зарур.

Депутатлар назорат-таҳлил жараёнида почта алоқаси бўлиmlарида фуқароларнинг пенсия ва нафақа пуллари тарқатилмасдан ушлаб турилган ёхуд ўзлаштириб юборилган, хатлар, жўнатмалар, даврий нашрлар обуначиларга вақтида етказиб берилмаган ҳолатлар аниқлангани, бундай муаммоларни тизимли бартараф этиш бўйича жиддий чоралар қўриш лозимлигини алоҳида таъкидладилар.

Билдирилган фикр-мулоҳазалар асосида қонун ижросини таъминлаш, почта алоқасини янада ривожлантириш билан боғлиқ айрим тасвиялар билдирилди. Жумладан, почта алоқаси хизматлари турларини кўпай-

(Давоми. Боши 1-бетда.)

(Давоми. Боши 1-бетда.)

# ПРЕЗИДЕНТ ИСЛОМ КАРИМОВНИНГ ОСИЁ ҚУЁШ ЭНЕРГИЯСИ ФОРУМИНИНГ ОЛТИНЧИ ЙИГИЛИШИДАГИ НУТҚИ

Хурматли Форум иштирокчилари!

Хонимлар ва жаноблар!

Сиз, азиз меҳмонларимизни, нуфузли халқаро ташкилотлар ва молия институтлари, хорижий давлатлар ҳукуматлари раҳбарлари, йирик агентлик ва компаниялар, тадқиқот марказлари вакиллари, мутахассис ва экспертларни — Форумнинг мазкур йиғилишида қатнашаётган барча иштирокчиларни Тошкент шаҳрида қабул қилиш ва қутлаш, ҳаммагизга чуқур ҳурмат-эҳтиромимизни билдириш биз учун катта шарафдир.

Мен Осиё тараққиёт банки президенти Такехико Накао жанобларига Форум йиғилишида шахсан иштирок этаётгани, «Қуёш энергияси бўйича Осиё ташаббуси»ни ҳаётга татбиқ этишга қўшаётган улкан ҳиссаси, Осиё тараққиёт банки ва унинг тузилмалари томонидан қуёш энергетикасидан фойдаланиш ва уни жадал ривожлантиришни рағбатлантириш соҳасида кўрсатилаётган бекиёс ёрдам учун алоҳида миннатдорлик билдираман.

Форум мажлисида иштирок этаётган Халқаро энергетика агентлиги (ХЭА), Бирлашган Миллатлар Ташкилотининг Саноатни ривожлантириш ташкилоти (ЮНИДО), Ислом тараққиёт банки ва бошқа халқаро марказлар ва тузилмалар, вакиллари, мазкур анжуманга катта қизиқиш билдирган барча меҳмонларимизга самимий ташаккур изҳор этаман.

«Қуёш энергияси технологияларини ривожлантириш тенденциялари ва истиқболлари» мавзусидаги мазкур йиғилиш учун тақдир этилган кун тартибини, биринчи навбатда, «Қуёш энергетикаси учун ускуналар ва эҳтиёт қисмлар ишлаб чиқариш саноатини ривожлантириш ва Осиё ускуналар бозорини кенгайтириш истиқболлари» каби масалаларни ҳар томонлама муҳокама қилиш, ҳеч шубҳасиз, гоёт долзарб аҳамиятга эга бўлиб, кўплаб давлатлар ва минтақаларда катта амалий қизиқиш уйғотади.

Маълумки, цивилизациялар тарихида энг самарали энергия манбаларини топиш доимо алоҳида аҳамиятга эга бўлиб келган. Биринчи навбатда, электр ва иссиқлик энергиясининг асосий хомашёси бўлган углеводород захираларини ўзлаштириш учун сўнгги ўн йилликда улкан миқдордаги инвестиция маблағлари йўналтирилди ва йўналтирилмоқда.

Бугунги кунда энергия ресурслари манбалари, нефть ва газ захираларига эга бўлиш чексиз даромад олиш ва халқаро майдонда ўзининг мавқеи ва таъсирини оширишда алоҳида аҳамият касб этадиган энг муҳим омилардан бири экани ҳеч кимга сир эмас.

Кейинги пайтда углеводород хомашёсини қазиб олиш борасида юз берган, «сланец инқилоби» деб аталаётган янги босқич эртага баъзи қитъалар, мамлакат ва ҳудудларнинг энергетика бозоридаги ҳамда жаҳон майдонидаги кучларнинг геосиёсий жойлашувидаги ўрни ва ролини ўзгартирадиган жиддий омилга айланиши мумкинлигига шубҳа қилмаса ҳам бўлади, деб ўйлайман.

Бироқ бундай ўзгаришлар қайта тикланадиган энергия ман-

баларига, биринчи навбатда, дунёдаги энг соф қуёш энергиясидан фойдаланишга бўлган, йилдан-йилга ортиб бораётган қизиқиш ва эҳтиёжни ҳеч қачон сусайтира олмайди.

Бу ҳақда гапирганда, қуйидаги фактга алоҳида эътибор қаратиш лозим. Халқаро энергетика агентлиги маълумотларига кўра, дунёда электр энергияси ишлаб чиқаришнинг ўсиш суръатлари ўртача 3,4 фоизни ташкил этаётган бир пайтда, қайта тикланадиган энергия манбаларининг энг истиқболли таркибий қисми бўлган қуёш энергияси кейинги беш йил давомида ҳар йили мисли кўрилмаган суръатларда, яъни 60 фоизга ошмоқда.

Ана шу 5 йил мобайнида қуёш энергетикаси соҳасига йўналтирилган ялпи инвестициялар ҳажми 520 миллиард долларни, жумладан, фақат 2012 йилнинг ўзида 143 миллиард долларни ташкил этди.

Қуёш станциялари томонидан 2012 йилда ишлаб чиқарилган жами электр энергияси 113 миллиард киловатт-соатни, жумладан, фотоэлектр станциялар бўйича 110 миллиард киловатт-соатни ташкил этди.

Халқаро экспертларнинг фикрига кўра, дунёда муқобил ва қайта тикланадиган энергия манбаларини излаб топиш ва уларнинг самарадорлигини ошириш, ҳусусан, электр ва иссиқлик энергияси олиш учун қуёш энергиясидан фойдаланишга бўлган қизиқишнинг жадал ўсиб боришига олиб келаётган сабаблар кўп.

Биринчи навбатда, бу жаҳон иқтисодиётида энергияга бўлган талабнинг йил сайин ортиб бораётгани билан боғлиқ. Яна бир сабаби шундаки, анъанавий углеводород хомашёси бўлмиш нефть ва газнинг янги манбаларини ўзлаштириш тобора қийинлашиб бораётгани ва шу билан бирга, уларнинг захиралари камайиб кетаётгани халқаро ҳам-жамиятда ташвиш уйғотмоқда.

Аммо шу борада ҳеч қачон эътиборсиз қолдириб бўлмайди, кун шундай муҳим бир омил борки, у ҳам бўлса, қазиб олинаётган ёқилгидан фойдаланиш мисли кўрилмаган даражада кенгайиб бораётгани атроф-муҳитга сезиларли даражада зарар етказаётгани, аҳолининг саломатлиги ва ҳаёт сифатига салбий таъсир кўрсатаётгани ва келажакда глобал миқёсда барқарор ривожланишга хавф солаётгани билан боғлиқ.

Юзага келган вазиятдан чиқиш йўлларида бири, бу, **аввало**, қайта тикланадиган энергиянинг энг самарали ва истиқболли манбаи сифатида қуёш энергетикасини ривожлантириш лойиҳаларига инвестиция йўналтиришни янада кўпайтиришдан иборат.

**Иккинчидан**, муаммони ҳал этишда илмий ва тажриба-конструкторлик ишланмаларини ҳар томонлама жадал ривожлантириш ва шунингдек, қуёш электр энергияси ишлаб чиқарувчилар ва унинг истеъмолчиларини давлат томонидан қўллаб-қувватлаш талаб этилади.

**Учинчидан**, бу борадаги яна бир имконият углеводород хомашёсидан фойдаланишга асосланган анъанавий энергетика тизимига нисбатан қуёш энергетикаси рақобатдошлигини таъминлаш билан боғлиқ.

Агар 2008 йилда бир киловатт-

соат қуёш электр энергиясини ишлаб чиқариш 35 цент даражасида бўлган бўлса, бугунги кунга келиб бу рақам, экспертларнинг маълумотларига кўра, ўртача 11-12 центни ташкил этаётгани, Хитой ва Ҳиндистон каби айрим мамлакатларда эса барпо этилаётган фотоэлектр станциялардан келадиган киловатт-соат электр энергияси тан-нархини 8-9 центга қадар тушириш вазифаси қўйилаётганини ҳисобга оладиган бўлсак, ҳеч шубҳасиз, бу мақсадга эришиш мумкин экани аён бўлади.

Бошқача айтганда, баъзи мамлакатлардаги фотоэлектр станцияларда ишлаб чиқарилаётган электр энергияси, унга нисбатан анъанавий имтиёз ва преференциялар қўлланмаётган бўлса-да, углеводород хомашёсини ёқиш ҳисобидан олинadиган электр энергияси билан рақобатлаша олади.

Яна бир масала. Вақти-вақти билан тақдорланаётган глобал иқтисодий инқирозлар сабабларини таҳлил қилиш асосида хулоса чиқарган айрим олимларнинг фикр-мулоҳазаларида муайян мантиқ мавжуд. Яъни, ҳалокатли инқироздан чиқиш йўлини топиш жаҳон ҳам-жамиятини замонавий технологияларнинг принципал жиҳатдан янги авлодини ўзлаштиришга, бошқача айтганда, ишлаб чиқаришнинг янада жадал ва тежамкор ўсиш суръатларини таъминлайдиган илмий-техник тараққиётнинг янги босқичига олиб келади.

Шу муносабат билан қуйидаги хулосага келиш қийин эмас. 2008 йилда бошланган ва ҳамон давом этаётган глобал инқироздан чиқиш кўп жиҳатдан бизнинг биринчи навбатда энергетика соҳасида технологик тараққиётнинг янги босқичига қанчалик тез ўтишимизга боғлиқ.

Бу ўринда сўз бугунги кунда ривожланаётган давлатлар иқтисодиётини қайта тиклашга тўсқинлик қилаётган асосий сабаблардан бири — анъанавий энергия ресурслари, аввало, нефть нархининг асоссиз равишда юқори бўлиб қолаётгани ҳақида бормоқда. Иқтисодий жиҳатдан самарали фотоэлектр энергияси манбаларини оммавий равишда жорий этиш истиқболда нефть нархини оптималлаштириш имконини беради. Бу эса ўзининг чекланган валюта захираларини углеводород хомашёсини четдан сотиб олиш учун сарфлашга мажбур бўлаётган ривожланаётган мамлакатларни жадал тараққий эттириш борасида рағбатлантирувчи восита бўлади. **Шундай экан, қуёш энергетикаси инқироздан чиқишда локомотив вазифасини бажарадиган омилардан бири бўлиши мумкин ва зарур.**

Муҳтарам анжуман қатнашчилари!

Ўзбекистонда энергетика мақсадлари учун қуёш энергиясидан фойдаланиш бўйича амалга оширилаётган ишлар ва бу жараёнларнинг кўлами ва амалий йўналишларини кенгайтиришни тақозо этадиган омиларга қисқача тўхталиб ўтишга ижозат бергайсиз.

Бу, биринчи навбатда, мамлакатимизда барқарор юқори ўсиш суръатлари таъминланаётгани, шунингдек, амалга оширилаётган таркибий туб

ўзгаришлар, иқтисодиётни диверсификация ва модернизация қилиш, саноатнинг жадал ривожланиши, нефть-газ ва бошқа хомашё ресурсларини чуқур қайта ишлаш бўйича энг илғор технологиялар билан жиҳозланган замонавий ҳамда қудратли газ-кимё комплексини шакллантириш билан боғлиқ.

Бу борада жаҳон молиявий-иқтисодий инқирозининг салбий таъсирига қарамасдан, Ўзбекистонда сўнгги олти йил давомида ялпи ички маҳсулотнинг йиллик ўсиш суръати 8 фоиздан зиёдни ташкил этаётганини таъкидлаш кифоя, деб ўйлайман.

2000-2013 йилларда бу кўрсаткич 3,8 баробар, ялпи маҳсулот эса аҳоли жон бошига 3,2 баробар ўсди.

Халқаро молия институтларининг баҳоларига кўра, Ўзбекистон иқтисодиётининг бундай юқори ўсиш суръатлари яқин истиқболда ҳам сақланиб қолади.

Ҳисоб-китоблар шуни кўрсатмоқдаки, саноатнинг юқори даражада жадал ривожланиб бораётганини ҳисобга олган ҳолда, мамлакатимизнинг электр энергиясига бўлган талаби 2030 йилда жорий йилга нисбатан 2 баробар ошади ва 105 миллиарддан зиёд киловатт-соатни ташкил этади.

Ўзбекистоннинг қуёш энергетикаси борасидаги салоҳияти ва мамлакатимизда ушбу соҳани ривожлантириш истиқболлари ҳақида гапирганда, қуйидаги фикрларни таъкидлашни истардим.

Биринчи навбатда, Ўзбекистон географик ўрни ва иқлим шароитларига кўра бунинг учун гоёт қулай имкониятларга эга.

Ўзбекистонда ҳаво бир йилда 320 кундан зиёд очик бўлиб, мамлакатимиз йил давомида қуёшли кунларнинг кўпчилиги бўйича дунёнинг аксарият минтақаларига нисбатан устунликка эга.

Осиё тараққиёт банки ва Жаҳон банки хулосаларига кўра, Ўзбекистонда қуёш энергиясининг ялпи салоҳияти 51 миллиард тонна нефть эквивалентидан ортиқдир.

Ана шу ресурслар ҳисобидан, экспертларнинг ҳисоб-китобларига қараганда, мамлакатимизда жорий йилда истеъмол қилинадиган электр энергиясидан 40 баробар кўп ҳажмдаги электр энергияси ишлаб чиқариш мумкин.

Мамлакатимизда қуёш энергиясидан фойдаланиш соҳасидаги тадқиқотлар ўтган асрнинг 80-йилларида, Ўзбекистон Фанлар академиясининг Осиё минтақасида ягона ва илмий ишланмалари юртимиздан ташқарида ҳам машҳур бўлган «Физика-Қуёш» илмий-ишлаб чиқариш бирлашмасининг илмий-экспериментал маркази ташкил этилганидан кейин жадал ривожлана бошлади.

Бугунги йиғилиш иштирокчилари Форум дастури доирасида ушбу марказ фаолияти билан танишиш имкониятига эга бўлдилар.

Мазкур илмий мажмуа таркибидagi 1 мегаватт қувватга эга бўлган гелиоконцентраторли улкан қуёш печи 3 минг даражали иссиқ ҳарорат ҳосил қилиш ва ўта соф материаллар ишлаб чиқаришни таъминлаш, ноёб илмий тадқиқотлар ва ис-

сиқликка оид синовлар ўтказиш имкониятига эга.

Ўзбекистон бугунги кунда илмий-техник, эксперимент ўтказадиган кадрлар бўйича улкан салоҳиятга эга бўлиб, мамлакатимизда қуёш энергиясини лойиҳалаштириш ва ундан фойдаланиш бўйича катта ҳажмдаги конструкторлик ва технологик ишланмалар тўпланган.

**«Физика-Қуёш» илмий-ишлаб чиқариш бирлашмаси негизда Осиё тараққиёт банки билан ҳамкорликда жорий йилда Тошкентда ташкил қилинган Халқаро қуёш энергияси институти илмий ва илмий-экспериментал тадқиқотлар ўтказиладиган минтақавий марказга айланиши кўзда тутилмоқда. Мазкур тадқиқотлар натижалари қуёш энергиясидан фойдаланиш бўйича истиқболли технологиялар сифатида жорий этилиши мумкин.**

Ўзбекистон Осиё тараққиёт банки билан ҳамкорликда Самарқанд вилоятида 100 мегаватт қувватга эга бўлган қуёш фотоэлектр станциясини қуриш бўйича пилот лойиҳани амалга оширишга киришди. Қисқа муддатда унинг лойиҳа-техник ҳужжатлари тайёрланди, 400 гектардан ортиқ ер майдони ажратилди, объект қурилишини бошлаш билан боғлиқ деярли барча масалалар ҳал этилди.

**«Биз» келусида юқори самара берадиган, янги технологияларга асосланган яна бир нечта йирик қуёш электр станциясини барпо этишга киришишни ўз олдимизга мақсад қилиб қўйганмиз. Ҳозирги вақтда шу мақсадда Осиё тараққиёт банки билан ҳамкорликда Ўзбекистоннинг 6 та ҳудудида энг замонавий ўлчаш станциялари жойлаштирилди ва ҳар томонлама пухта ишланган лойиҳаларни тайёрлашда зарур бўладиган барча маълумотларни йиғиш ишлари олиб борилмоқда. Ўзбекистон фотоэлектрик модуллар ва қуёш энергетикасида қўлланадиган бошқа ускуналарни ишлаб чиқариш учун бой хомашё захираларига эга эканини алоҳида қайд этишни истардим.**

Ўтган йили мамлакатимизда Жанубий Кореянинг «Неоплант» компанияси билан ҳамкорликда йиллик қуввати 12 минг тоннани ташкил этадиган техник кремний ишлаб чиқарадиган завод фойдаланишга топширилди. Бугунги кунда «Ангрен» махсус индустриал зонасида Кореянинг «Шиндонг Энерком» компанияси иштирокида йиллик қуввати 5 минг тонна бўлган кремний ишлаб чиқарувчи иккинчи завод қурилиши ниҳоясига етказилмоқда. Келгусида ушбу маҳсулот юқори самарали фотоэлектрик қуёш панеллари ишлаб чиқариш учун хомашё манбаи бўлиб хизмат қилиши мумкин.

Хитой Халқ Республикасининг йирик компаниялари иштирокида 2014 йилда «Навоий» эркин индустриал-иқтисодий зонаси ҳудудида дастлабки қуввати 50 мегаватт бўлган фотоэлектр панеллари ишлаб чиқарадиган, «Жиззах» махсус индустриал зонасида эса йилгига 50 минг дона қуёш иссиқлик коллекторлари ишлаб чиқарадиган корхоналар ташкил этилади.

Ўзбекистонда маиший ва уй-жой-коммунал соҳада, хусусий

уйларда қуёш энергиясидан фойдаланишни кенг жорий этишга, бу борада зарур ишлаб чиқариш ва сервис имкониятларини шакллантиришга катта эътибор қаратишмоқда.

Бизнинг ҳисоб-китобларимизга кўра, бундай технологияларни кенг миқёсда қўллаш яқин йилларда юртимиз энергия тизимига тушаётган энергия юқини 2 миллиард киловатт-соатга қисқартириш, локал тарзда қарийб 2 миллион гигакалория-иссиқлик энергияси ишлаб чиқаришни таъминлаш имконини беради. Бу эса йилгига жами 250 миллион доллардан ортиқ қийматдаги энергия ресурсини тежашни таъминлайди.

Мамлакатимизда Осиё тараққиёт банки билан ҳамкорликда амалга оширилаётган Қишлоқ жойларда уй-жой қурилишини ривожлантириш дастури доирасида ҳар йили намунавий лойиҳалар асосида умумий майдони 1,5 миллион квадрат метрлангизид бўлган 10 мингдан ортиқ якка тартибдаги замонавий уй-жойлар барпо этилаётганига эътиборингизни қаратмоқчиман.

Мазкур дастур доирасида биз техник жиҳатдан илғор, қуёш энергетикаси технологиялари қўлланган, юқори энергия самарадорлигига эга бўлган уй-жойларни дунёдаги, жумладан, **Европа ва Осиёдаги бу соҳада энг тараққий этган мамлакатлар тажрибасидан фойдаланган ҳолда, оммавий равишда қурилишга киритишни кўзда тутмоқдамиз.**

Биз яқин йиллар мобайнида асосан узоқ ва бориш қийин бўлган ҳудудлардаги 1300 та умумтаълим мактаблари ва касб-ҳунар коллежларини тажриба тариқасида қуёш коллекторлари билан таъминлашни режалаштирмоқдамиз. Қишлоқ жойлардаги 600 дан ортиқ врачлик пунктларида фотоэлектрик панеллар ўрнатилади.

Юқорида баён қилинган фикрларни умумлаштирган ҳолда, бир хулосани таъкидлаб айтишга барча асосларимиз бор. Яъни, **бугунги босқичда қуёш энергиясидан фойдаланиш муаммоси илмий тадқиқотлар ва тажриба-синов ишланмалари соҳасидан уларни амалиётда қўллаш соҳасига барқарор суръатда ўтиб бормоқда. Қуёш энергетикаси эса, қайта тикланадиган энергиянинг бошқа турлари каби, тўлиқ рақобатдош, энергиянинг, энергия олиш усули ва воситаларининг энг соф турларидан бирига айланмоқда.**

Ушбу имкониятдан фойдаланиб, мана шу муҳташам залда йиғилган сиз азизларга, сизларнинг тимсолингизда замонавий тараққиётнинг юксак ва олижаноб мақсадлари йўлида қуёш энергиясидан фойдаланиш ишига муносиб ҳисса қўшаётган барча инсонларга самимий миннатдорлик изҳор этишга ижозат бергайсиз.

Хурматли дўстлар!

Азиз меҳмонлар! Мамлакатимизда қисқа муддат меҳмон бўлишингизга қарамасдан, ўзбекона меҳмон-дўстликни, халқимизнинг сизга бўлган ҳурмат-эҳтиромини ҳис этасиз, деб ишонаман.

Барчангизга сиҳат-саломатлик, олижаноб фаолиятингизда улкан ютуқ ва омадлар, Осиё қуёш энергияси форуми йиғилиши ишига муваффақият тилайман.





